

fa r á n d u l a

Entrevista cu SHARON ROSE, ganadora di VOZ DE ORO SUPREMA 1974.....

Na Kibaima Coffee Shop, cu un eterno sonrisa riba su labionan, nos a topa cu Sharon pa conversá un poco riba su carrera artístico, un carrera marcá pa un subida meteórico den mundo musical Antillano. Cu un simpatía contagioso, y un control absoluto di su emocionnan, Sharon a papia cu nos riba su comienzonan y su futuro como artista.....

BRINDIS: Sharon, awor cu bo a gana Voz de Oro Suprema, kiko ta bo plannan pa futuro?

SHARON: Wel, mi a wordu acercá pa e Assistant Manager di Caribbean Hotel, señor Furnier, pa canta den Bali Bar, y mi a aceptá. Ma cuminzá dia 23 di December. E condicionnan ta bon y awor ta na mi mes pa haci mi esfuerzo pa bai dilanti y sigui triunfá.



BRINDIS: Nos no tin ningun sorto di duda riba e futuro brillante cu bo tin, Sharon, pasobra un artista di bo talento semper lo triunfá si e pone empeño y practicá, y tuma su profesión na serio. Awor nos tin entendi cu bo ta bai graba un 45 r.p.m. nobo. Ta verdad?

SHARON: Efectivamente. Otro aña, na Maart, mi ta bai Venezuela. E compositor ta nos orgullo Arubano, Padu del Caribe. E disco lo ta na un banda: SOLO EL PENSAR EN TI (bolero), y e otro banda lo ta: ESTA DUSHI (tumba). (Redactor: nos lectoran por haya un reportaje completo riba e colosal com-

positor, músico y cantante, Padu Del Caribe den e mesun edición aki.)

BRINDIS: Cuánto aña bo tin ta canta caba, Sharon?

SHARON: Mas o menos 7 aña, aunque semper mi tabata gusta canta. Cu 13 aña ma cuminsa pensa seriamente riba esaki y ma participá den un Song Festival di "De Trupialen".

(Mientras nos ta conversando cu Sharon, nos ta aprovechá a la vez di saboreá e excelente ice-cream di Piet, y e delicioso snacks y demás surtido di KIBAIMA COFFEE SHOP).

BRINDIS: Y unda más bo a canta después?

SHARON: Hopi caminda, pero mi por mencioná esnan más importante. Ma participá den VOZ DE ORO, na 1971 y di cual mi a

(Sigui leza riba pag. 23)



Pará banda di su tanto trofeonan, justo recompensa pa su talento, nos por mira SHARON ROSE, e popular cantante Arubana.

FARANDULA

(Continuacion di pag. 22)

sali ganadora. Tambe den FESTIVAL DE LA CANCION. Ma canta den hopi shownan musical, elección di Miss Teenage. Na television tambe mi a aparecé bastante y semper mi tabata cooperá cu teleton y obranan di caridad. Ma canta varios misanan juvenil na St. Franciscuskerk. Mi a bai representá Aruba na Colombia, Miami, Curaçao y Bonaire.



Sinta dilanti di e troncon di un bunita mata di flamboyán, ostentando su simpática sonrisa. SHARON ROSE, e Voz Suprema 1974.

BRINDIS: Y kiko bo ta haciendo actualmente?

SHARON: Actualmente mi ta canta hunto cu un compañero di canto, esta Tommy de Cuba, den e beatband cu llama "Yerigo".

BRINDIS: Nos tin un pregunta importante pabo, Sharon. Bo tin pensá di bira profesional algun día?

SHARON: Sí. Awor caminda ta habrí pami y e oportunidad ter pa mi bira profesional. Tin suficiente campo pa hacié. Asina ta cu mi ta spera di realizá tur mi plannan pendiente pa mi por bai más alew den exterior tambe.

BRINDIS: Bo tin pensá di bai representá Aruba afó den algun otro festival venidero?

SHARON: Bon, esei ta locual mi ta deseá di haci.

Mi tin entendí cu e ganador y e ganadora ta bai representá Aruba den exterior, y mi ta sigur cu nos lo haya tur e ayudo e apoyo necesario pa nos tene Aruba su nomber na halto.

BRINDIS: Sharon, promé cu nos concluí e entrevista, bo tin algo más di agregá na locual nos a tratá caba?

SHARON: Wel, un cos so. Mi kier agradecé un biha más tur esnan cu a apoyami den e certamen di VOZ DI ORO SUPREMA y mi kier a bisa mi pueblo, esta pueblo Arubano, cu nunca lo mi defraudé. Semper lo mi ta un bon embajadora Arubana.

Nos entrevista cu Sharon a terminá y nos a concluí nos bishitá na su acogedor lugar, KIBAIMA

COFFEE SHOP, cu un bon coffee. Sharon, cu su gestonan di cortesía cu ya a bira característica, a acompañá nos te na e salida, y cu un sonrisa cu ta parece parti di su cara hermoso, alegre, yen di juventud, el a despedí di nos. Brindis ta concluí cu un elogio pa Sharon, pa su personalidad, pa su gentileza, pa su simpatía, y más cu nada, pa e gran voz, e Voz de Oro, cu den palabranan gentil a atendé nos; e mesun voz cu ta deleitando henter nos población den e interpretacionnan yen di sentimiento di e gran, e único: SHARON ROSE.

Nos mayor gloria no ta consistí den no cai nunca, sino den lanta cada bes cu nos cai.

Confucio

BRINDIS

Aña 2 No. 3

Januari 1975

CONTENIDO

Van Walbeek y

Pierre Legrand

E.R. Goilo

Sacrificio Sin Balor

J.M. Mansur

Ejercicio Pa Bo Salud

L.E. GRAVENHORST

Lamento Rubiano

JULIO MADURO

Deporte General

TOCO WINKLAAR

Página Medico

Dr. OSCALDO ANAYA

Aña Nobo

ROBERT McCLAIN

Alfred Nobel,

INVENTOR DI DINAMITA

Pandora y e Caha di Maldad

Aniversario di Club Caribe


Talento Antillano

Papiando Riba Tur Cos

Teatro — Belleza — Cushina —

Belleza — Test Bo Memoria —

Crucigrama — y hopi más.



PADU



MARIA ESTELA



SHARON



PAISAJE ANTILLANO